

16



11 [Moller, Heinrich]
Mitt. Don Vg 16 75 n.^a

21 Mitt an Kr 47.68 $\frac{p}{a}$
= 21500 [Kr 2403]

311 [Gygas, Johannes]
= 60
Ri.

8
3

Ff7a



Index materiae vniuersalis in hoc
libro habitae

- I Indulgentiarum tractatus
- II Tractatus de Indulgentiis, quibus gestis
suis hinc duntaxat in Cisterciensi
habetur hinc tractatus de Indulgentiis
vniuersalis vniuersalis.
- III De Indulgentiis factis in
vniuersis vniuersis Joannis
Gigantis 1 Thimo p. 129 habet promissio.
- IIII De Indulgentiis factis in
Joannis Gigantis p. 71 habet
vniuersis vniuersis
- V De Indulgentiis factis in
Joannis 2 am. 3 rays vniuersis factis.

Sonn den lebendigen
Heiligen auff erden/
eine Predigt

Iohannis Gigantis
Northufani,

i. Thim. 4.

Die gottseligkeit hat verheissung/dieses
vnd des zukunfftigen lebens.

Francckfurt an der Oder/druckts
Johann: Eichorn.
1569.

Den Erbaren/ Achtbarn vnd wolweisen
Herrn/ Burgermeistern vnd Rathmannen
der Stadt Guben/ meinen lieben
Herren vnd Fürderern.

Gottes Gnad/ Fried vnd Segen in Jesu
Christo vnserm Herrn vnd Heilande
zuuorn/ Erbare/ Achtbare/ wolweise
liebe Herren/ Wie es nicht zu loben ist/
das etliche faule Socij vñ fratres ignorantis
für vnd für nur von Pfaffen vnd Mönchen/ von Kap-
pen vnd Platten auff der Cantzel plaudern vnd
schmettern/ vnd den nötigen Text vberhüpfen. Also
ists auch nicht sein noch recht/ das etliche Predican-
ten der schrecklichen Abgötterey/ so im Papstumb
gewesen/ gar nicht/ oder ja gar selten gedencken. Den
was wissen vnser Kinder von ihrem Glocken teuffen/
von ihren ablasbrieffen/ wallarten/ von ihrem ge-
welheten saltz vnd wasser/ von Marien blawen man-
tel/ Josephs hosen/ Laurentij kolen/ Bartholomai
Pantoffeln/ Francisci Lügenden/ von Cartheusern/
Barfüßern/ Celestinern/ Brigitten brüder/ Tem-
pel vnd Schlüsselherren etc. Sehr offft sagte zu
Leiptzig der frome alte Doctor Caspar Bornerus seliz-
ger/ Wenn ich reich wehr/wolte ich in ein gross zime-
mer/ alle Orden der Mönchen vnd Pfaffen abmalen
lassen/vmb vnser nachkömlingen willen/ welche one
allen zweiffel/ solche Depositores, mummer vnd Fast-
nachts gesellen vñ götzenknechte/ mit verwunderung
A ij anschawen

anschawen würden. Derwegen pflege ich/sonderlich
wens der text vnd die zeit mitbringet/ der Papistische
geweln/ bey meinen Pfarckindern/ offte zugedencken/
vnd sie zur danckbarkeit zuormanen/ vnd das sie bey
der gefegten einfeltigen lehr fest halten/ vnd der gnas
denzeit nicht missbrauchen wollen/ Dabe inen auch
newlich an Aller heiligen tage/ hieruon eine Predigt
gethan/ welche ich E. E. W. abgedruckt vbersende/
denn es mir ja wolgefelt/ das ihr bey der erkanten an
genommenen warheit bestendig fushaltet/ vnd Christ
liche einigkeit recht liebet. etc.

Diemit wüandsche ich hertzlich E. E. W. vnd erwer
lieben gemeine / geistliche vnd leibliche wolfart im
Derrn/ Freystadt/ Anno 1569. am tage Concordia,
an welchem für 23. Jaren/ der erleuchte bestendige
lehrer D. Martinus Lutherus seliger/ zu Eisleben in
seinem Vaterland/ sanfft vnd seliglich eingeschlaffen
ist / dorauß bald die wüste schedliche discordia inn
Deutschlanden hefftig vnd heuffig angangen ist vnd
noch weret / vmb vnser grossen vndanckbarkeit vnd
des schendtlichen fürwitzes willen/ das wir der reinen
einfeltigen lehr/ müde vnd vberdrüssig worden sind/
vnd gerne etwas newes haben/ vnd hören wolten.
Der Son Gottes erbarme sich vnser/ erhalt vns bey
reiner einfeltiger lehr vnd Christlicher einigkeit/ Amē.

E. E. W.
W.

Johannes Gigas/ Prediger
zur Freystadt.

Euangelium an aller heiligen tag/ Matthei am 5. cap.

Als der Herr das volck sahe/ gieng er
Dauff einen Berg/ vnd sazte sich/
vnd seine Jünger tratten zu im. Vnd er
that seinen mund auff/ leret sie/ vnd
sprach:

Selig sind/ die da geistlich Arm sind/
Denn das Himmelreich ist jr.

Selig sind/ die da leid tragen/ Denn
sie sollen getröst werden.

Selig sind die Senfftmütigen/ Denn
sie werden das Erdreich besitzen.

Selig sind/ die da hungert vnd dürstet
nach der Gerechtigkeit/ Denn sie sollen
sat werden.

Selig sind die Barmherzigen/ Denn
sie werden barmherzigkeit erlangen.

¶ iij Selig

Selig sind die reines Herzen sind/
Denn sie werden Gott schauen.

Selig sind die Friedfertigen/ Denn
sie werden Gottes Kinder heissen.

Selig sind die umb Gerechtigkeit
willen verfolget werden / Denn das
Himmelreich ist jr.

Selig seid jr/ wenn euch die Menschen
umb meinen willen schmehen vnd ver-
folgen/ vnd reden allerley vbelß wider
euch/ so sie doran liegen. Seid frölich
vnd getrost/ Es wird euch im Himmel
wol belohnet werden. Denn also
haben sie verfolget die Prophe-
ten/ die vor euch gewesen
sind, etc.

Geliebten

Liebten im Herrn / heut haben
wir Aller heiligen tag / morgen aller Seelen
tag / an welchen tagen im Papstumb gross Ab-
götterey ist begangen worden / Denn da hat man
gepredigt vom / Fegfeuer / daraus den Seelen durch
Vigilien / Messen / gemeine bad vnd almosen / solte
vnd könte geholffen werden / vnd von anruffung
der verstorbenen heiligen / Welches alles vnrecht
vnd wieder Gottes wort vnd gebot ist. Was das
Fegfeuer belanget / ist gewiss / das es die falschge-
salbeten aus geitz von wegen ihrer tuchen vnd fel-
ler erdacht haben / dann in heiliger schrift keines
Fegfeuers gedacht wird / denn alleine des heiligen
creuzes vnd feuers / dadurch hie auff erden / ware
Christen gezogen / *Examiniret, probiret* / vnd geleu-
tert werden / So ein fegfeuer were / hette es der
Schecher zur rechten seiten ohne zweiffel auch fü-
len müssen / welcher viel leuthe ermordet vnd berau-
bet hatte / Aber die Schrift meldet / er sey bald zu
guter ruhe komen / *Luce 23* / Denn die im Herrn
einschlaffen / wie Jacob vnd Simeon / leiden keine
pein noch qual / kumen nicht ins Gericht / *Sapientiae*
3. vnd 4. cap. vnd Johan. 5. Derwegen die ohne
ware buss / wie der gottlose prasser *Luce 16*. dahin
sterben:

sterben/ werden in alle ewigkeit mit keinem tröpfflein wasser erquicket/ das ewige fröliche leben/ wird hier erhalten oder verloren/ sagt Syprianus/ der halben verstorbene gleubige Christen/ vnsers gebets vnd vnser almosen nicht bedürffen/ so wird auch den verstorbenen gottlosen damit nicht geholfen/etc. So ist die anruffung der verstorbenen heiligen/ auch ganz vnd gar wider das erste Gebott Gottes/ vnd wieder vnser lieben Herrn vnd heilands Jesu Christi ampt vnd ehr/ der alleine der weg vnd steg vnd vnser getrewer Patron/ fürsprecher/ mittler vnd gnadenthron ist/ durch welchen wir zum Vater komen. Johan 14. Rom. 5. Ephes. 2. 1. Thim. 2. Heb. 5.

Ihr wisset auch wie hiemit sein vberlein stimmen die fürnemsten alten Lehrer/ Also schreibet Epiphanius/lib. 3. Tom. 2. cap. 79. *Sit in honore Maria, Pater & Filius & Spiritus Sanctus adoretur, Mariam nemo adoret,* Das ist/ Die werde mütter Christi ist aller ehren werdt/ Aber Gott Vater/ Son vnd Heiliger Geist sol allein angeruffen werden/ Mariam sol niemand anbeten/ Vnd was ist doch die anruffung der verstorbenen heiligen anders als Heidnische Abgötterey? Denn wie die Heiden hatten Neptunum / Martem/ Bachum/ Vulca

Vulcanum/Palladem.etc. Also hatten die Papi-
sten Nicolaum/Georgium/Urbanum/Lauren-
tium/Catharinam/ etc. Die mit der Pestilenz
dahem gesucht wurden/rieffen Sebastianum vnd
Kochium an/ Die böse blattern hatten/ sucheten
hülff bey Job/ welche die schwere seuche darnider
warff/rieffen Valentinum an/ die böse augen vnd
zene hatten Apolloniam vnd Othiliam/ die fran-
cke ross vnd schwein hatten/ sucheten hülff bey
Leonhardo vnd Antonio. Ja/ es hatte ein igliches
Land seinen eigen Patron vnd Nothelffer/ Item
ein jede facultet/ Kirche vnd Capel/ Der Polen
Patron war Stanislaus/der Hungern Patronin
Maria/ die Francken hatten Kilianum/ die Dü-
ringer Bonifacium/ die Meisner Donatum/ die
Schwaben Cunradum/ Die Medici ehreten Da-
mianum/ die Juristen Zuonem/ etc. Derwegen dis
Antichristisch fest billich abgeschafft ist/ denn wir
allein bey dem Herrn Israel/ dem rechten nothel-
ffer/rath vnd hülff suchen sollen in geistlichem vnd
leiblichem anliegen/dann dieser Herr wil vnd kan
helffen/wie gros auch die noth vnd der schade ist/er.

Es haben auch etliche im Papstumb/ von an-
ruffung der verstorbenen heiligen/ nichts oder ja
wenig gehalten/ Dann ich bey vnsern Nachbarn

B im

in einer Kirchen eine Tafeln gesehen habe/ doran
geschnitzte vnd gemalte heiligen waren one ohren.

Wir dancken Gott aus grund vnsers hertzen/
das er vns von diesem greuel/ vnd aus dieser **E**-
gyptischer finsternus vnd blindtheit / so veterlich
erledigt hat/ denn gestern sinds gewesen 57. Jar/
das vnser Doctor vnd Elias/ der liebe Lutherus
seliger/ das Bapstumb (darzu in der vniuerscheinte
Ablass kremer/ Tetzl/ redlich vrsach gegeben) zu
Wittenberg öffentlich angegriffen/ vnd vns auff
das einige rechte volkomen versönopffer vnd ge-
trewen helffer Jesum Christum gewiesen hat/ wie
Johannes Baptista vnd Euangelista/ etc.

So viel von dem ertichten Römischen Fegfewr
vnd anruffung der heiligen/ Ich wil hie nicht ge-
dencken der grossen Lügenden von irem Heilig-
thumb/ das sie mit grossen geprengel/ an aller heil-
ligen tage zeigeten vnd schawtrugen/ wie ich solcher
reliquien eine grosse anzal gesehen habe in der Pfor-
te an der Saal/ die gar herrlich in köstliche seiden
tuchlein gefasset vnd eingewickelt waren/ etc.

Nu wollen wir den verlesenen Text für vns
nemen/ dorinnen vns beschrieben vnd abgemalet
werden die lebendigen heiligen auff erden/ die ware
Christen wie im 15. Psalm/ vnd zum Galat. cap. 5.
Anfang

Unfenglich aber vnd für allen dingen solt ihr
wissen/das wir nicht durch das Gesetz oder vnser
werck/für Gott bestehen/gerecht noch selig werden/
sondern aus lauter gnaden/ liebe vnd gunst/ ohne
alle vnser verdienst vnd würdigkeit / allein vmb
Jesu Christi fürbitt vnd vordiensts willen/ Psalm
32. Esaiæ 43. Rom. 3. Ephes. 2. cap.

Wie auch der fromme Abbas Bernhardus
schreibt/ *Remissionem peccatorum nostrorum habemus
per solam misericordiam & indulgentiam Dei propter
Christum fide apprehensum*, Das ist/ Wir haben ver-
gebung vnser sünden aus gnaden/ allein durch die
herzliche barmherzigkeit Gottes vmb Christi wil-
len/so wir ihn durchs Euangelium erkennen/ vnd
in eigenem waren glauben ergreifen vnd behalten.
Also hat der Son Gottes/ seine gebührende ehr/
vnd wir bekommen gewissen trost / können auch
fruchtbarlich beten/ denn alle vnser werck/ die auch
aus anregung des heiligen Geistes geschehen/ sehr
schwach vnd vnvollkommen sind/ Esaiæ 64. Ach/so
wir das Gesetz Gottes erfüllen/ vnd durch vnser
wercke (wie der Römische hauffe lehret) den Himmel
verdienen könnten / worumb ist die verheissung
Adam/ Abraham/ Isaac/ Jacob/ David gesche-
hen: Warumb hat Christus sein heiliges teures
B ij Blut

Blut vergossen Galat 2? Adam vnd Eva füreten
ein hartes gestrenges leben/assen weder fleisch noch
fische/obeten sich vleisig in allerley guten wercken/
jedoch trösteten sie sich allein des zugesagten Wei-
bes samens vnd Echlangentretters Jesu Christi/
vnd sind auff solchen glauben selig worden/ wie
auch Abraham Genes. 15 etc. Der Heilige Pau-
lus spricht/wenn er am frümesten vnd klügesten ist/
ich bin nichts /Jesus Christus ist mein einziger trost
vnd rum/ Bernhardus hatte ein gottseliges leben
geführt/jedoch do er sterben solte/sprach er / *Perditè
vixi*, ich tröste mich allein der wunden Christi/ die
heilen meine wunden/ wes sich auch auffm todtbet-
te in seinem kampff der frome Doctor Kreuzenach
getröstet hat/habt ihr oft gehört/ etc.

Zum andern solt ihr wissen/ das alle werck die
Gott gefallen sollen/ *in pietate*, das ist/ in Christi
erkentnis vnd aus glaubigem willigem demütigent
herzen fließen müssen/ du must zuvor ein gnaden-
kind vnd newe creatur in Christo sein/ wie solches
in gleichnussen vom weinstock vnd pfröpfferlein
sein zuuerstehen gegeben wird/ Ioan. 15. Rom. 11.
Vnd wie Abels opffer gnugsam ausweist/ Genes.
4. Heb. 11. Denn ein böser baum kan nicht gute
frücht bringen/ Matth. 7. Vnd was nicht aussit
glauben

glauben gehet/das ist sünde/Rom .14. Es haben
auch die blinden Heiden gesagt.

Non bene caelestes impia dextra colit.

Selich/ müssen wir uns auch nicht selbst un-
sers gefallens/ wercke erdencken/ sondern in den
wercken uns oben/ die uns in heiliger schrift für-
geschrieben sind/ dadurch Gott geehret/ vnd dem
nächstgen gedienet wird/ Solche werck oder fruchte
des geistes/ haben reiche verheissungen hier vnd
dort/ 1. Thim. 4. wie wir hören werden/etc.

Selig sind die geistlich arm sind/
denn das himelreich ist ihr.

Diess weil die Pharisier vnd schriftgelerten/
ihren Messiam allein nachm fleisch ansahen vnd
erkenneten/hoffeten auff einen weltlichen König/
nicht der sie vom fluch des Gesetzes/ von sünden
vnd dem ewigen tode erretten/ sondern auff erden
reich vnd zu Herren machen solte/ vnd die nützliche
wunderbare lehr vom heiligen creutz nicht versun-
den/ hielten sie die leuthe/welche dem creutz vnter-
worffen/ arm/elend/betrübt vnd vnterdrückt wa-
ren/ für vnseelige leuthe/ derwegen der Herr hie
bericht thut/allen Christen/sonderlich seinen Jün-

B iij gern

gern vnd frommen armen Kirchen vnd Schuldie-
nern zu trost/ das ware Christen/ geistlich/ auch
gemeiniglich imbeutel arme/ elende/ betrübtete leute
sind/ welche die welt hasset vnd verfolget. Vnd
dieweil die Juden ire opffer/ Kirchengeprenge vnd
ceremonien/ für die besten wercke vnd Gottesdienste
hielten/ zeigt der Herr hie an/ (wie auch im Dya
vnd an andern örtern) welches die recht guten
wercke sind/ nemlich/ Gott erkennen vnd preisen/
sich für im demütigen/ dem fleisch nicht nachhen-
gen vnd den zaum lassen/ dem nechsten dienen/
sanfftmütig/ gedültig/ friedsam vnd friedfertig sein.

I.

Selig sind/ oder/ wol denen die geistlich
arm sind/ denn das himelreich ist jr.

Dieweil Lucæ 6. cap. stehet/ Selig sind die
armen/ hat der listige Satan viel leuthe bethöret/
als dürfften Christen nichts eigens haben/ solten
geldt vnd guth verlassen/ Wie auch der spötter
Julianus Apostata/ den Christen die güter nam/
vnd hönisch sprach/ dieweil das himelreich den ar-
men gehöret/ will ich inen darzu dienen/ Aber hie
stehet im Mattheo/ Selig sind die geistlich arm
sind/

sind/welches zweyerlei zuvorstehen ist/ Erstlich/
Wol denen die zubrochens hertzens vnd zuschla-
genes gemüts sind/die eine jammerige seele haben/
die sich für Gott ganz vnd gar schuldig geben/ ihre
sünde erkennen/bekennen/beseuffzen/ dann solcher
ist das himelreich/das ist/solchen wird das liebliche
fröliche Euangelium fruchbarlich gepredigt/Sol-
che werden erquicket/ wie ein müder Hirsch inn
frischem wasser/ bekommen freude vnd wonne/
Psalm/42. 51. Esa. 61. vñ 66. Matth. 11. Derwegen
heuchler/vnd rohe leuthe/ vnseelige leuthe sind/denn
wie können getröstet vnd gelabet werden/die nicht
mühselig/ geisthungerig vnd gnadendurstig sind/
wie der stolze Phariseer Lucæ 18. Kurtzumb/
freude kumpt nicht für trawen. Derhalben wer
begert durchs Euangelium gelabet zu werden/der
lasse sich den heiligen Geist durchs Gesetz straffen/
greiffe nicht zum Feigenblettern/suche nicht winckel-
hölzer/verschweige/verhele/ bementele vnd vertei-
dige seine sünde nicht/sondern beweine sie hertzlich/
vnd bekenne sie frey heraus/ gebe Gott die Ehr/
beichte gerad zu/ wie Thomas vnd Zachæus/vnd
halte sich an die gnedige zusag vmb Christi willen/
wie David/ Psalm 25. So wird ihm geholffen/
bekumpt friede vnd freude/Rom. 5. Denn der
Herr

Herr hat lust zur warheit/ vnd offenbaret waren
büßern/ die Göttlich betrübt sind/ die heimliche
weissheit/Psalm.51.

Zum andern heissets / wol denen die aeistlich
arm sind/das ist die in armuth/franckheit/ trübsal
vnd elend/gedültig vnd still sind/Gott gehorsamen
wie Lazarus/Luce 16. Paulus 1. Cor. 4. etc. Denn
ware Christen nicht alleine im Geist/sondern auch
gemeiniglich imbeutel arm sind / haben *miseriam*
cum aceto, Unser fromer weiser Gott vberschütt sie
selten/ mit grossen gelt vnd guth/auff das sie die
Welt nicht zu lieb gewinnen/ inn sünd vnd schand
fallen/sondern in Gottes furcht stehen/ vnd suchen
was droben ist/ Derhalben dürfftige arme leuthe/
wieder Gott nicht murren noch grunzen/noch auff
reiche leuthe schelten/sondern sich vnter die gewal-
tige hand des Herrn demütigen sollen/ Es ist ja
besser/zeitlich arm vnd elend sein/denn ewig/Luce
16. Es ist dir viel besser/ du seist ein armer Kirchen
oder Schuldiener mit gutem gewissen / denn ein
gottloser reicher Thum oder Ghorherr / wie es
Moisi viel besser war das er in *Aegypten* bey seiner
Religion arm vnd nidrig blieb/ denn das er Reich
vnd ein grosser Herr an des Königes Pharaonis
hoff worden wehr/wenn er die *Aegyptische* abgöt-
terey

terey angenommen vnd den Gott Israel verleugnet
hette/vnd ein Mammeluck worden wer/etc.

Es müssen auff erden reiche vnd arme leuth
beieinander sein/sagt Salomon/das ein jeder sei-
nes glaubens obung habe/Die reichen sollen nicht
ein Sardanapalisch leben vnd wesen füren/gelt vnd
guth vnmäßig verschwenden/sollen auch nicht ihr
hertz an irdische schetz hengen/dieselben anschawen/
wie die Summeissen/in india ihre zusammen getragne
goldförner/Plin. lib. 31 cap. 31. Sondern sollen ihre
brunnen fließen lassen/den dürfftigen willig dienē/
Prover. 5. Die armen sollen nicht ungedültig sein/
sich zu bösen sachen gebrauchen lassen/sonst können
sie hie vnd dort die Helle haben. Dann wie Reich-
thumb niemand verdampft / Also macht armuth
niemand selig/wie denn viel bettler vnd landstrei-
cher verdampft werden.

Solches beherziget / lieben Christen/ vnd
dieweil ons vnser frommer meister/ Gott vnd Va-
ter/ setzt mit Armut/ Ehetwung/ Pestilenz heim-
sucht/murret nicht/betrachtet den vrsprung solches
elends/bittet vmb linderung der straff/ thut ware
bus/ vnd fürchtet euch nicht so vnchristlich fürm
sterben/ Fürwar Christi erkentnus/ vnser grosses
elend vnd die künfftige ewige freude/ solten ons bil-
lich

G

lich

lich den leiblichen Tod süsse machen/ welcher der
Christen gewin ist/ Philip. 1. Aber je elender vnd
schwerer die zeite werden/ je vngerner wir sterben/
Ach wolte Gott wir fürchteten vns so sehr fürm
andern vnd ewigen tode als fürm zeitlichen/ etc.

II.

Selig sind/ die da leid tragen/ Denn
sie sollen getröst werden.

Nu folget wie wir geistlich arm vnd müheselig
werden/ wie wir zu rechter erkentnus vnser sünden
komen/ nemlich/ durch das Gesetz vnd Creutz/ wel-
ches auch *pars legis* ist/ denn wie der ware glaube
Gottes werck vnd gabe ist/ vnd aus der frölichen
Predigt von der gnedigen verheissung fleust/ Also
ist erkentnus vnser sünde vnd wares seuffzen/ auch
des heiligen Geistes werck/ der durchs Gesetz (wel-
ches geistlich vnd der sünden krafft ist) vnd durch
Creutz vns rüret vnd demütiget/ wie wir an Da-
uid vnd verlornen Sone sehen. Derwegen wir
vns den heiligen Geist durchs Predigamt vmb
vnser sünden willen/ gern züchtigen vnd straffen
lassen sollen/ etc. Sollen auch nicht gedenccken/ Gott
zürne mit vns/ wenn er vns veterlich vnters Creutz
stellet.

stellet/ sondern sollens für ein gewis zeichen hat-
ten/ das der holdselige Herr Christus/ der rechte
Seelen arzt/bey vns einkeren/ herberge machen/
vnd vns mit seinem gnaden geist trösten wölle.

Die Welt helt die für selige leuthe / die alles
vollauff haben/Pancketiren/singen vnd springen/
die kein creutz/anfechtung noch unglück haben/ die
in keiner gefahr sind/die do grunen wie Lorberbeu-
me/etc. Aber hie stehet/wol denen die in Christli-
chem leide gehen/wie Elias/David/Paulus/ die
vmb der warheit willen verfolget vnd veriagt wer-
den/welchen vnrecht vnd gewalt geschicht/ die ein
heilig creutz nach dem andern haben/denn sie sol-
len getröstet werden/sie tragen edlen samen/Psal.
126. etc.

Diss ist die hohe wunderbare lehr vom heilli-
gen creutz/welche allein der waren Kirchen bekant
ist/ doran sich der natürliche irdische Mensch so
sehr stößet vnd ergert/(Wie auch dem Weltweisen
manne M. Ciceroni geschach) das Gott den seini-
gen eine last nach der andern aufflegt/ vnd sie also
durch die kolen ziehen lest. Aber die heilige schrift
zeigt vrsach vnd nutz an des heiligen creuzes/ da-
von ihr oft guten bericht bekommet. Denn ohne
creutz vnd anfechtung/wissen wir nichts vom Hei-

S i l i g h t u m

ligthum Gottes/ bleiben vnerfahren/ werden stoltz/
vermessen/ sicher / gerathen leichtlich in sünd vnd
schand/wachsen vnd nemen nicht zu in vnser vnd
des Herrn Christi erkentnus/beten nicht ernstlich.
In summa/one geistliche vnd leibliche anfechtung/
sind vnd bleiben wir *christiani speculativi*, haben
keine vbung des glaubens. Darumb ist der Chri-
sten leben auff erden/ eine stettige verenderung der
freude vnd des trübsals/ wie die Legenden der Pa-
triarchen/Propheten/Aposteln/ sein ausweisen.

Der erfarn man im Heiligthum Gottes/
Lutherus seliger/machte hievon ein feine gradation
ausm Psalter/ So du Gottes wort mit ernst hörest
vnd annimpst/dem Satan/der Welt vnd deinem
fleisch absagest/Christo huldest vnd zu jm ins schiff-
lein trittest/ kummestu in trübsal vnd anfechtung/
lernest beten / wirst erhöret vnd errettet/ danckest
Gott/ rümeest vnd preigest seine güte/ almechtigkeit
vnd warheit/ Solches verdreust den teuffel/ setzet
auffß new an dich/ da gehet wiederumb an/ beten
vnd hoffen/das weret bis wir gar ausspannen vnd
inn die rechte herberg kommen/etc.

Es hat sich ein Christ mehr für grossen glück/
denn für creutz vnd vnglück zubefaren/ sagt Chry-
sostomus. Ach/gross glück ist selten ohne tück// Ich
halte

halte Gott zürne mit mir/ sagt jener Einsiedler/ da
er ein ganz jar ohne sonderlich creutz hinbracht
hatte. Es ist gewisslich war/ wenn vnser creutz am
grüsten ist/ vnd die ochsen am berge stehen/ ist vns
Gott am nechsten/ dann da wird er ernstlich ange-
ruffen/ da werden wir verstendig vnd klug. In
vierzig jaren hat mich mein fromer Gott nicht lie-
ber gehabt/ als inn diesem jhar/ da er mich in seine
veterliche zucht genommen hat/ Denn nu weis ich/
was vnd wie ich essen vnd trincken/ vnd der gaben
Gottes recht gebrauchen/ vnd das ich alle tage vnd
stunde/ meines sterbstündleins gewarten soll/ etc.

Solches haben erfahren die Menner Gottes/
Job/ David/ Esaias/ Paulus/ darumb können sie
auch dauon am besten vnd tröstlichsten schreiben/
Job spricht/ cap. 5. Selig ist der mensch den Gott
strafft: Darumb wegere dich nicht der züchtigung
des allmechtigen/ denn er verlezet vnd verbindet/
er zuschmeißt vnd seine hand heilet/ etc. David sagt
Psalm/ 119. Es ist mir lieb/ das du mich gedemü-
tiget hast/ das ich deine rechte lerne/ Esai. cap. 28.
stehet/ Die straffe lehret auffß Wort mercken/ Der
grosse Apostel sagt/ Rom. 5. Wir rühmen vns der
trübsaln/ dieweil wir wissen/ das trübsal gedult
bringet/ gedult aber bringet erfahrung/ erfahrung
G. iij. bringet

bringet hoffnung / hoffnung aber leset nicht zu
schanden werden / etc. Derwegen wenn trübsal
kumpt / gedenc / vnd sprich / Es ist meines lieben
Gottes vnd Vaters radt vnd guter wille / es ge-
schicht mir zum besten / Psalm. 68. 2. Cor. 1. Es
wird nicht lang wehren / ich leide nicht alleine / Je-
sus Christus hilfft mir tragen / etc. Es ist ja beschlos-
sen / das wir durch trübsal zur herrligkeit kummen
sollen in Christo Jesu. Wie es nu mit einem jegli-
chen Christen zugehet in Gottes hause vnd schule /
also ergehets auch der Christlichen Kirche / die ste-
het auch am besten / wenn sie anfechtung hat vnd
im leide gehet / wie der liebe Vater vnd Merterer
Gyprianus spricht / *Ecclesia cum vexatur & oppu-
gnatur, vincit & triumphat, &c.*

III.

Selig sind die Senfftmütigen / Denn
sie werden das Erdreich besitzen.

Sehr feine ordnung helt unser Erkhirte vnd
oberster Superintendens Jesus Christus / Er hat zu-
vor gesagt / Christen werden auff erden im leide ge-
hen / das elend barwen / Sie werden von Teuffeln
vnd bösen menschen geengstiget werden / man werde
inen auff allen seiten hefftig vnd heuffig zusetzen / sie
plagen

plagen vnd veriagen/sie werden offte mit vnwarheit
angegeben vnd vnterdrückt werden/ etc.

Nu gibt er lehr vnd rath/wie sie sich hierinnen
verhalten sollen/Nemlich/ sie sollen seinem exempel
nach/ sanfftmutig sein/iren mund in staub stecken/
ire seele mit gedult fassen/ vnd alles irem getrewen
warhafftigen allmechtigen Gott vnd Vater/ dem
rechten Richter vnd helffer/ klagen vnd befehlen/
so soll inen zu rechter zeit ausgeholffen werden
wunderbarlich/Psalm 4. vnd 146. Esa. 28. oder soll
ja alles am Jüngsten tage ans tagelicht komen/ er.

Diss ist der Christen güldene kunst (dauon
Cyprianus ja wol vnd tröstlich schreibet in der
sermon de bono patientie) nemlich/durch beten/stille
sein vnd leiden/ obsiegen/ da die gottlosen durch
schnareken / trozen / puchen/ wüten vnd toben/ zu
grund vnd boden gehen. Solches sibet man sein in
Exempeln der heiligen. Ir wisset/wie der gotts-
fürchtige / gedültige / sanfftmutige Isaac/wieder
seine Nachbarn vnd feinde/ die falschen neidischen
Philister siegete/vnd mit seinem sanften geist/ feu-
rige kolen auff jr heupt samlet/ Genes. 26. Vnd wie
der betrübtte Jacob seinen zornigen/gifftigen Bru-
der Esau/ Vnd den gottlosen/vntrewen/geizigen/
neidischen Laban seinen Bettern/ vberwunden hat.
Item

Item wie David herfür kommen ist/ vnd Saul/
Doeg vnd alle seine feinde/ neider vnd böse practi-
canten/von Gott gestrafft worden sind. Leset von
Christlicher gedult vnd weisheit eine schöne histo-
rien/welcher Lutherus gedencckt/ da er den spruch
im Esaia auslegt/ Stille vnd gedültig sein vnd
hoffen/ist der Christen sieg. Derwegen ihr meine
liebe Pfarfinder/folget dem getrewen rath Christi/
Davidis/Pauli/Matth. 11. Psalm. 37. Rom. 12.
Vergeltet nicht böses mit bösem/ sondern überwin-
det das böse mit gutem/sprecht nicht wie Simson/
wie sie mir gethan haben/ so thue ich inen wieder/
rechet euch nicht selbs/sonst greiffst jr Gott in sein
ampt/vnd bleibet nicht vngestraft/ denn geld auff
interesse vnd zinse nemen / vnd sich selbst rechen/
thut nur einmal wol/ Freilich ist's recht gesagt/

In Domino, si vis vincere, disce pati.

Es haben auch die Heiden aus erfahrung gesagt/
Patiens terit omnia virtus, Uch/Oratio, Fides, Spes &
Patientia, thun bey Christen das beste.

Chrysostronus sagt/ *Tolerantia est nobis causa om-
nis boni.* Es ist allweg besser vnrecht leiden denn
vnrecht thun/geschicht dir gewalt vnd vnrecht/Got
weis vnd siehet alles / hatt gegen dir ein Vater
herz/zelet alle deine threnen vnd zehren/etc.

Kanstu

Kanstu aber vnrecht nicht leiden/ suche hülff
mit freundlichem hertzen/ bey deiner ordentlichen
Obrikeit vnd herrschafft / Solches ist niemand
verweisslich noch verbotten/ vnd dabey lass es inn
Gottes namen bleiben/ Denn sich ins Recht bege-
ben/ ist misslich vnd gefehrlich / Juristen zelens
nicht an fingern/ wie die Poeten/ wie des berüme-
ten Herrn Doctoris Zazii-Hausehr höfflich gesagt
hatte / Sie haben grosse bücher/ leutern vnd
beuteln/ das du in armut kumpst/ bisweilen hohn
vnd spott darzu erlangest. D wie mancher stolzer/
störischer/ eigensinniger mensch/ folget niemand/
will mit seinem Peters kopff hindurch setzen/ vnd
kumpt in angst vnd noth/ in vnuerwindlichen scha-
den/ bisweilen omb leib vnd leben darzu/ denn wem
nicht zu rathen ist dem ist auch nicht zu helffen/etc.

Genug von diesem stücklein/ nur eines noch/
Dieweil jzt schwere zeite fürhanden sind/ vnd noch
folgen werden/ Wandelt fürsichtiglich/ schicket euch
zu Christlicher gedult/ dieweil ihr ewre ware Reli-
gion behaltet/ fluchet nicht auff Obrikeit/ es regie-
re Herodes oder Pilatus. Ir wisset was vnd wie
der Herr Christus den gottlosen Juden/ dem hals-
starrigen/ rebellischen/ meutmacherischem volck/
auff ihr arglistige frage vnd spitziges Dilemma
antwortet/ Matth. 22. cap.

D Darumb

Darumb lieben Christen/ meidet auffwiegler/
schwarcker/ verheker/ meuthmacher/ betet vnd seid
stille (denn nu wird recht *patientia Sanctorum* folge)
wie die genotpresseten kinder Israel in Aegypten/
vnd Zacharias/ Joakim/ Simeon/ Joseph/ Elisa-
beth/ Anna/ Maria/ etc. zu iren elenden zeiten ge-
than haben/ vnd tröset euch des lieben Jüngsten
tages/ der gewisslich für der thür ist/ wie Gottes
Wort/ Danielis Roland/ Himmel vnd Erden vnd
alle Creaturen anzeigen/ Kum Herr Jesu Christe/
kum/ erlöse vnd erfreue vns/ vnd füre vns aus die-
sem elendtsthal ins rechte Vaterland/ Amen.

III.

Selig sind/ die da hungert vnd dürstet
nach der Gerechtigkeit/ Denn sie sollen
satt werden.

Diz ist fürnemlich zuuerstehen/ wie anfänglich
vermeldet/ von dem geistlichen hunger vnd gnaden-
durst der Christen/ dauon im Magnificat gesun-
gen wird/ Denn solche geistlich arme elende leute/
die emsig beten/ Gottes Wort fleissig hören/ im
Israels brünlein der heiligen Biblien/ die war-
heit demütiglich suchen vnd erforschen/ sollen essen
vnd trincken/ satt/ fett vnd frölich werden/ des Her-
ren

ern geheimnis verstehen vnd frucht bringen inn
gedult/Psaln/22. 42. 51. Esa 55. Luca. 8. etc.

Darnach istis auch zuvorstehen vom rechten
eifer der Christen/welchen es durch marck vnd
beine gehet/durch leib vnd seel dringet/wenn der
lauff des Euangelij/durch Tyrannen oder Sophi-
sterey geheimmet vnd gehindert wird/wenn man
heimlich durchn zaun sticht/ oder wenn heuchler
listiglich in Gottes haus eingeschoben werden/wie
jetzt geschicht mit den neuen Mönchen/die inn
schaffskleidern kummen/vnd sich felschlich *societatis*
Iesu rhümen/etc. Item/welchen es herzlich wehe
thut/wenn man nicht gleich zu/erbarlich vnd red-
lich/recht vnd gerade/sondern tückisch/betrieglich
vnd fortelhaftig handelt/etc.

Letzlich istis auch zuuerstehen/von Christen
welche ihre verderbte natur/schwachheit vnd vnvol-
kommenheit/in diesem leben erkennen vnd frey be-
kennen vnd beseuffzen/vnd für vnd für vmb meh-
rung des glaubens vnd den gewissen freudigen
geist bitten/vnd das sie in Christi erkentnis wach-
sen vnd zunemen/vñ von der besleckung des geistes
vnd fleisches mügen gereiniget werden/vnd die sich
allein des theuren zalbluts Jesu Christi trösten
vnd rhümen/vnd doch Christliche ringer/kempfer
vnd wettleuffer sind/nicht zu rück sehen/sondern an
des Herrn Christi Wort gedencken/Luc. 9. D ij

*Qui manibus semel admotis, discedit aratro
Sedibus hic superis non satis aptus erit.*

V.

Selig sind die Barmherzigen/Denn
sie werden barmherzigkeit erlangen.

Diss ist auch eine rechte frucht des geistes bey
waren Christen/nemlich Barmherzig sein/Liebe
vben/Luce 6. Gal. 5. Barmherzigkeit aber ist ein
solche Christliche tugent/das wir vns vnsers nech-
sten/sonderlich vnsers glaubens genossen/elends
vnd noth annemen/als betress es vns selbst/dieweil
wir eines leibes vnd heupts glieder sind/1. Cor. 12.
vnd 13. Colos. 3. etc. Die alten haben aus dem 25.
cap Matthei die werck der barmherzigkeit in die-
sen vers fassen wollen.

Visito, poto, cibo, redimo, tego, colligo, condo.

Der Herr Christus erzelet die fürnemesten
stücke Christlicher liebe vnd barmherzigkeit/Luce
6/da er spricht/Bistu eine priuat person/richte vnd
verdanne nicht/vergib vnd gib/etc. Aber Christ-
liche barmherzigkeit erstreckt sich sehr weit/Denn
rechtschaffene Christen / verforteilen / vbersetzen /
betriegen vnd beliegen niemand/ sind nicht stolze
schendliche Schamnisten / sind nicht halsstarrig/
sondern wilfertig denen die herzlich vmb verzei-
hung

hung bitten/ helffen vnd leihen willig vnd gern den
armen vnd dürfftigen. In summa/ Christen die
von Christo herkommen/ vnd in ihm ein newe Cre-
atur worden sind/ sind mitleidende/ vertregliche/
freuntliche / friedliche / senffemütige/ diensthasstige
leuthe/ vnd haben solche gütige leuthe/ sehr reiche
verheissung in heiliger schrift/ Psalm. 42. vnd 112.
Prouerb 19. vnd 28. 2. Cor. 9. Matth 25. Luca. 6.
Der witsrawen zu Sarepten/ vnd der Indien zu
Philippen/ sind ja reichlich belonet worden ire al-
mosen/wolthaten/ vnd Gotts gabe/ vnd wird der
selben in ewigkeit gedacht werden.

Dargegen sind euch bekandt die harten vnd
ernste vrewungen wieder die vnbarmerhertigen/
rachsüchtigen leuthe/die geizigen/neidischen *Tantalos*
Mydas, *Eucliones* vnd *Labans* gesellen/welche nie-
mand mit willen dienen/ zorn halten/steinern her-
zen haben/mit niemand mitleiden haben/nichts
vergeben noch vergessen wollen.

Ihr wisset was der Herr sagte zu dem vnbar-
merhertigen/ vndanckbarn/ vergessenen schalckknecht/
Matth. 18. Syrach spricht cap 28. Ein Mensch
helt gegen dem andern zorn/vnd wil bey dem Her-
ren gnade suchen/ Es haben auch die Heiden gesa-
get/ *Inimicitie debent esse mortales, Amicitie immor-
tales.* Warumb wurden Sodom vnd Gomorra
D iij mit

nicht bey mir auffstiege? Antwort/ Bitte Gott
vmb gnade/vnd so du zürnest/sündige nicht/Psal. 4
laß den zorn nicht ausbrechen/ins werck kommen/
herrschen/ ludern vnd flammern wie ein Johannis
feuer/sondern wandele im geist/ denn ein gerechter
mensch in heiliger schrift heisset vnd ist nicht/ der
keine sünde hette noch fülete/sondern dem sie verge-
ben vnd zugedeckt sind/ vnd nicht zugerechnet wer-
den/Denn es sind durch Gottes Geist/ gebrochene
gedempffte vnd gecreutzigte sünden/ Psalm. 32.
Rom 8. Galat. 5. etc.

Diss sey genug von diesem stücklein/ Ich hette
aber bald einer nötigen vermanung vergessen/
Wenn man dir dienet vnd hilfft/ strecket dir geldt
oder wahr für/ halt auch glauben/ zale gern/vor-
terbe es nicht dir vnd andern guten narhafftigen
leuthen/Denn wie es heist hilff vnd leihe gern dei-
nem nechsten / Also heists auch/ Halt glauben:
Leset hieruon eine schöne Historien von dem göttli-
gen milten bischoff *Spiridione*, vnd seinen vntrewen
vnd danckbarn vnterthanen/*lib. 1. historia Trip. ca. 10.*
Es stehet ein hartes wort/Psalm 37. Der gottlose
borget vnd zaleet nicht/ kanstu es nicht bald wieder-
geben/schnarcke vnd fluche nicht/ wirffe nicht böse
karten aus/bitte vmb fristung vnd gedult/ bete vnd
arbeite fleissig/so wird dir dein reicher/milder/güt-
tiger

Do feist
der pöppel
si sol
schuldig
No in gebor
ge oder
Denn Man
de Johan
Vid in
Sammig
Vid die
s-y hoc
Capit

tiger Gott vnd Vater wunderbarlich aushelffen/
wie der frommen wittfrawen zur zeit des Prophe-
ten Elisa 2. Reg 4.

Sehr wehe that unserm lieben Vater Luthero
vntrew vnd vndanckbarkeit vnd faken tranckgelt/
darumb pflegt er zusagen/ *Si mutuo dabis, non habe-
bis, si habebis, non tam cito, si tam cito, non tam bonum,
si tam bonum, amittis amicum,* Das ist / Leihest du
deinem nehesten/so bekumestu es nicht wieder/ be-
kumestu es wieder/ so geschichts nicht bald / oder
bekumests nicht so gut wieder/ bekumest es so gut
wieder/so geschichts mit zorn vnd vnwillen/machst
dir also feinde mit deinem geldt vnd guth. Aber
lieben Christen/der gottlosen leuth vndanck soll vns
nicht abschrecken/andern zu dienen vnd wilfarn.

VI.

Selig sind die reines hertzen sind/
Denn sie werden Gott schawen.

Diss ist nicht zuvorstehen/als könten wir inn
dieser Welt gar Engelreine vnd ohne alle sünden/
gebrechen vnd böse lüste sein/ denn Salomon sagt/
Prouerb 20. Wer kan sagen/ Ich bin rein in mei-
nem hertzen? vnd lauter von meinen sünden? So
sagt Johannes/ So wir sagen / wir haben keine
sünde/so verführen wir vns selbst/ vnd die warheit
ist

ist nicht inn vns. Ihr wisset auch was geschrieben
steht/Psaln 32. vnd 143. etc. Ein rein hertz heisset
hier/ein Christliches/auffrichtiges/keusches hertz/
Bistu kein tittel oder maulchrist/ sondern ein geist-
licher newer mensch/ ein Weinrebe am grossen
Weinstock Jesu Christo/ so ist kein falsch in dir/ du
gibst nicht glatte süsse wort aus falschem tückischen
herzen/wie Laban/Herodes/Judas/ du verfortei-
lest niemand/1. Thess. 4. du verkereft vnd verdrehest
niemand sein wort vnd meinung/ wie es jetzt offit
geschicht/ Wenn wir aus Gottes Wort bericht
thun/ das man die Heiligen nicht anruffen sol/
schreien vnd schreiben die Römischen Baals Pfaf-
fen/wir versprechen die werde Jungfraw Marien/
vnd die lieben Heiligen/Petrum/Paulum/etc.

Wenn wir lehren/das Gottes Gesetz vnd vn-
sere werck nicht selig machen/ beschweren sie vns
bey grossen Herrn vnd Potentaten/ als versprechen
wir das Gesetz Gottes vnd alle gutte werck/mache-
ten ein rohes wüstes wildes volck. Wenn wir vnser
vernunft vnter den gehorsam Christi gefangen
nemen/vnd in demuth als Christi discipel lehren/
das im heiligen Abendmahl/ mit vnuerwandtem
Wein vnd Brodt/ der ware Leib vnd das ware
Blut Jesu Christi/ nicht reumlicher/ fleischlicher/
sondern unbegreiflicher/ vbernatürlicher weise/
E den

den Communicanten ausgeteilet werde/ nennen vns
die Sacramentirer/wider ihr gewissen/aus lauter
hass vnd widerwillen/ Capernaiter vnd fleischfres-
ser Wenn wir bescheidenlich leren/ das rechtgleu-
bige Christē haben die zugerechnete auch die ange-
fangene Gerechtigkeit/ oder die Gerechtigkeit des
Glaubens vnd des guten gewissens/ beschweren
vns etliche hefftig vnd sagen one schew/ das wir
lehren wie die Papisten/ das wir durch glauben
vnd liebe/ oder durch die zugerechnete vnd ange-
fangene Gerechtigkeit zu gleich selig w. rden/ doran
vns ja vngütlich/ gewält vnd unrecht geschicht/ wie
Gott vnd auffrichtige gerade leuthe wol wissen/
Den wir lehren/das allein Jesus Christus durchs
Euangelium erkant/ vnd in eigenem warem glau-
ben ergriffen/ vnser gerechtigkeit ist/ oder das wir
aus lauter gnaden/ one all vnser verdienst oder
würdigkeit/ allein durch den glauben/ gerecht vnd
selig werden/der die verheissung ergreiffet/ vnser ge-
wissen. stillt/ vnd rechten fried bringet / Rom. 5.
Oder das wir allein durch die zugerechnete Gerech-
tigkeit für Gott bestehen/wie Abraham Genes. 15.
vnd das dieser Gerechtigkeit des glaubens/ ein
newes leben oder angefangener gehorsam folget/
wie einem guten baume gute fruchte/ welche werck
ob sie wol aus anregē des heiligen Geists gesch. hen
vns

uns dennoch keins wegs für Gott gerecht noch selig
machen/sondern allein zeugnis geben/der zugerech-
neten gerechtigkeit oder der gerechtigkeit des glau-
bens/wie die rechte Sonn stralen auslesset vnd wer
met/wie recht feuer hitzet/ein lebédiger mensch ode
von sich gibt/denn welche Jesus Christus vnser Hei-
land gerecht macht vnd heilet/die heiliget er auch/
gibt ihnen zwifaches/wie die Propheten reden. S.
Paulus nennets gnade vnd gabe/das ist/ So bald
wir durchs Euangelium im glauben vnsern eint-
gen erlöser mitler vnd gnadenthron ergreifen/be-
fomen wir gnedige vergebung aller vnser sünden/
vnd bekommen den heiligen Geist/welches fruchte
gewisslich folgen bey waren Christen/den guten
beumlein/vnd brümllein vnd pflentzlein/Galat. 5.
2. Also auch/bistu ein wares vnd gesundes ge-
lidmas Christi/so iagesu auch noch der heiligung/
lebest keusch vnd züchtig/in oder aufferhalb dem
Ehestand/vnd wirst Gott schawen/das ist/seinen
willen erkennen/vnd in alle ewigkeit vorm freund-
lichen frölichen anblick der heiligen Dreyfaltigkeit
leben/Dargegen alle andere/die in blutschulden/
Ehebruch vnd vnzucht fortfaren/mit blindheit vnd
wansinn geschlagen vund des lieblichen anblick
Gottes vnd der ewigen herrligkeit vnd freuden/
beraubet sein sollen/Rom. 1. Ephes. 4. 1. Cor. 6. etc.

E ij Dis

Diss solte vns ja billich bewegen zur keuschheit/ vnd vnser leibe/ die des heiligen Geistes wohnunge vnd Christi glieder sein sollen/ in ehren zuhalten 1. Cor. 6. 1. Thess. 4. Heb 13. etc. Aber wer sünde meiden wil / mus auch vrsach zu sündigen meiden/ wie Joseph Genes. 38. *obiecta mouent sensus*, Feuer vnd strohe/ brennt lichter lohe. Ihr sehet wie weiber vnd Jungkfrauen im fürwitz gehen wie Dina/ Genes. 34. Wie sie mit ihren grossen gebre- men an Kürsen vnd Müzen prangen/ mit zöpffen/ wülsten/ hauben sich geberden/ ihre leibichen vnd kittelchen durchlöchern vnd durchfenstern/ vnd eine newe tracht vber die ander erdencken. Item wie menner vnd gesellen mit iren grossen paussenden schandhosen einher waltzen/ sich mit ihren kurzen keplen vnd menteln nicht bedecken können/ wie sie heimlich winkelgefres vnd gesprech/ vnd leichtfertige nacht tenke halten/ Fürwar gesang vnd federlein verratten die vögelein/ Jedoch wollen sie alle frome erbare leuthe vnd ohne alle nachrede sein/ darüber Claus Narr so offft bitterlich geweint hat/ Ohetten wir jetzt nur etliche tröpfflein des eiu- wassers/ Num. 5. würden wir offft selzam ding erfaren/ *Ausonius* hat fürwar sein gebet mit ohne vrsach also gestellet:

*Da Pater omnipotens, ne vero crimine ledar
Aut dubio maculor, paulim distare videntur
Suspectus vereq̄ reus &c.*

Ihr

Ihr wisset wie der grosse Prophet Gottes
Esaias zu seiner zeit/ober hoffart geklagt hat/ cap.
3. Aber lieber Gott was würde er sagen/ wenn er
jetzt den fürwitz vnd die leichtfertigkeit in der klei-
dung sehen solt? etc.

Bedenckt lieben Christen/ wie ihr jetzt ange-
höret/ vnd vergesset des Sechsten Gebots nicht/
denn vnser Gott ist ein keuscher Gott/ vnd liebet
keuscheit/ vnd strafft vnzucht/ wie die historien
vnd tegliche erfahrung genugsam anzeigen/ meidet
müßiggang/schwelgeren/böse gesellschaft/schlam-
mige geschwecke/lieder/bücher/gemelde/ etc.

Ir lieben Schüler/ die jr jetzt daher wachset/
nemets auch zu hertzen/ Bedencket warumb euch
ewre Eltern vnd freunde/ hieher geschickt haben/
lebt in Gottes furcht/ wartet ewres studirens mit
fleis/ gewenet euch nicht zum sauffen/ geht noch nit
auff die bulschafft/ Sondern last euch ewre Jung-
fraw Scholasticam befohlen sein/ wie ihr von ewren
præceptoribus trewlich vermanet vnd für schaden
gewarnet werdet/ etc.

VII.

Selig sind die Friedfertigen/ Denn
sie werden Gottes kinder heissen.

E iij Sic

Hie wird ja hell vnd klar angezeiget/ das ware
Christen/nicht vnnütze/schedliche zenecker vnd ver-
drissliche widerbursten vnd schendliche Schammi-
sten/sondern friedsame vnd friedmachende leuthe
sind/die guthem friede mit fleis nachiage/ streittige
sachen/ gern helffen Christlich örtern/ schlichten
vnd vertragen / derwegen sie auch billich Gottes
Kinder genant werden/denn sie folgen dem wesent-
lichem/gütigem/freundlichem Sone Gotes nach/
der auch zwischen Gott dem Himlischen Vater vnd
vns elenden Eva kindern/gemittelt vnd frieden
gemacht hat/welches in sein heiliges tewres Blut
gekostet hat.

Dieweil denn friedsame vnd friedfertige Chrt-
sten/Gottes Kinder heissen/ mus vnwidersprech-
lich vnd vnwiderleglich folgen/das alle mutwillige
zenecker/die lust zu vnlust vnd vnfriede haben/die
leuthe erbittern vnd zusammen hetzen/ins angehende
feuer blasen/ etc. des Teuffels Kinder vnd samen
sein müssen/welcher der rechte Störnfried/ lügen
vnd mordgeist ist/ etc.

Wen dis viel leuthe recht beherzigten/vnd was
für jammer vnd schaden aus vneinigkeut entsprin-
get/würden sie besser vnd grösser lust vnd liebe zu
fried vnd einigkeut haben/in 133. Psalm studiren/
Aber viel hengen ihrem fleisch nach/ werden fett
durch

durch zank und hader/wie die grossen Meuse vom
schlafen/etc. Duss entspringet alles aus ladünckel/
das leuthe gar *singulares* und zuviel sein/und nie-
mand hören noch folgen wollen. Osiander der
Gemsß steiger/wolte das kleine hörnle Daniel 7.
nicht lassen den Türcken sein/nur *odio praeceptorum*.
Galvinius wolte den Samariter/Luce. 10. cap.
nicht lassen eine bedeutung sein des rechten Israelis
arhts unsers gütigen Herrn und Heilandes Jesu
Christi/Er wolte auch das Blut und Wasser/so
aus der aufgespalten seiten des Herrn nach seinem
tod am Creutz geflossen/nicht ein wunder und ge-
heimnis sein lassen. etc.

So sehet und höret ir ißt/wie an manchem ort/
die ehrgeizigen/hoffertigen Kirchen und Schuldies-
ner/vnnötig gezencf erregen/sich vntereinander beis-
sen und zureissen/erger denn die fleischerhunde/sich
bannen und verdammien/von den sachen auff die
Person fallen/Es will jederman seines kopffs lebē/
wenig lieben gute ordnung/ Etliche wollen kein
Crucifix/keine Orgel leiden/ Etliche werffen die
Kest gar ab/Weihnachten/Ostern/Himmelfart/
Pfungsten/da man von Christlichem glauben be-
richt thun sol/verkeren und endern alles türstiglich
ires gefallens. Fürm jar reisete ein Student nach
Welschland/vnterwegen kumpt er am Grünen-
Donner

donnerstag in ein Stedtlein/ gedeneckt/ morgen ist
der gutte vnd stille Freitag/ wil den tag hie verzie-
hen/ zur Kirchen gehen/ etwas tröstliches/ von
meines lieben Herrn vnd Heilands Jesu Christi
heiligen Leiden hören/ Was geschicht? Des mor-
gens tritt der Pastor auff/ thut eine Hochzeit Pre-
digt/ spricht/ Folget weiter in vnser ordinarien le-
ction/ Ioan. 2. cap. Am dritten tag ward ein Hoch-
zeit/ zu Gana in Galilea/ vnd die Mutter Jesu
war da/ etc. Waz dienet solche hoffart vnd vnord-
nung? Dis sind fürwar nicht gute Zeloten/ sonder
ihr Zelus ist Scelus/ kömpt nicht è caelo, D wenn
der liebe Lutherus fürhanden wer/ würde solchen
muttwilligen/ verdriesslichen/ wiederbursten vnd
Capricornis/ redlich begegnen/ etc.

Die Papisten/ Wiederteuffer/ Schweneckfelder/
thun Gott lob/ nu keinen/ oder ja kleinen schaden/
(denn ihre thorheit vnd grobheit ist offenbar) wir-
thuns selbst vnternander/ mit vnserm fürwitzigen/
gifftigen gezenck vnd disputirn/ Dis betrübt mich
offt sehr/ aber ich richte mich wiederumb auff/ wenn
ich bedencke/ das es zur zeit der Aposteln auch also
ergangen/ vnd gleichwol die warheit vnd heiliger
same blichen ist/ Aber wehe denen die vnnöttige
spaltungen vnd trennungen anrichten/ vnd einfel-
tige albere leuthlein verwirren vnd betrüben/ vnd
gar

gar nicht betrachten die hertzliche vermanung vnd
warnung S. Pauli an die Corinthier vnd Gala-
ter/etc. ja es tregt sich bisweilen zu/ das man nicht
lenger frieden halten kan/ denn die Nachbarn wol-
len/vnd das man nicht stillschweigen kan/Prosper
sagt:

*Nunq̄ bella pijs, nunq̄ certamina desunt,
Et quo cum certet mens bona, semper habet.*

Darumb sagt der grosse Apostel bescheiden-
lich Rom. 12. Habt mit allen menschen fried so viel
an euch ist/das ist so ferne es one ergernus vnd ab-
bruch der warheit geschehen kan. S. Paulus als
ein fluger bauman/ lies Thimotheum beschneiden/
Titum wolt er keins wegs beschneiden lassen. Wie
können wir vnd die Papisten einig sein? Sie bleiben
troziglich bey ir alten geigen/ So können vnd sol-
len wir die erkante angenomene warheit auch nicht
faren lassen/ Sie halten ihre winckel vnd opffer-
messe für den höchsten Gottesdienst/ Wir halten sie
(wie billich) für die größte abgötterey/ etc.

Diss sey auch genug von diesem stücklein/ ihr
meine geliebten im Herrn/ folget des Herrn Chri-
sti vnd S. Pauli vermanung/ Mar. 9. Ephes. 4.
vnd dem exempel des friedliebenden Patriarchen

⸗ Abrahæ

Abrahæ Genes. 17. Ach Christen thun vnd leiden
viel vmb fried vnd einigkeit willen/vnd das ihr ge-
wissen still bleibt/vnd das Vater vnser nicht ver-
hindert wird/Es heisset/ *Ignoscas alijs multa, nihil ti-
bi.* Darumb betet fleissig/ vnd lebet beinander mit
demuth vnd sanftmuth/liebet die nützliche patien-
tiam/vnd vertraget gerne die leuthe/ die aneinan-
der wachsen wollen/ Es wird noch heute rühmlich
gedacht/der zweier weiser Churfürsten/ zu Sach-
sen vnd Brandenburgt/ welche dem gefehrlichen/
shedlichen angehenden Kriege/zwischen dem Hun-
gerischen Könige Matthia/ vnd dem Polnischen
König Casimiro/durch Gottes hülff gewehret ha-
ben/ Wenn solches jetzt auch geschehe/ würde viel
blutuergiessen nachbleiben/ vnd die vnterthanen
nicht solche schaden erleiden/ Aber ein jeder sihet
dem spiel zu/vnd wartet des seinen/ vnd ist dis die
vrsach/ viel lassen ihnen weder sagen noch rathen/
schlahen in wind/vñ verachten alle herzliche trewe
vermanungen vnd warnungen/ folgen türstiglich
ihrem heupte/bis das wasser vber die Körbe gehet/
vnd sie umbwerffen vnd die hende vberm kopff zu-
samen schlagen/ So verdienen auch die vnterhend-
ler vnd mittelsleuthe keinen oder ja kleinen danck
auff beyden seiten/ ja sie bekommen gemeiniglich die
grösten

grösten schrammen vnd wunden daruon/ wie *Thucydides* höflich sagt: *Pacificatores ab vtraq. parte occiduntur.* Aber ihr meine lieben freunde in Christo/lasset euch der Welt vnd anck/ nicht müde machen oder von wolthun abschrecken/ etc. Es fellet aber die frage für/dieweil ware Christen/die nicht wasserreben sind / ein willig volck sind zu guten Wercken/Psalm 110. warumb werden sie denn zu guten Wercken vermanet? Antwort/ Sie haben wol lust an Gottes Gesetz vnd zu guten Wercken/ noch dem inwendigen/newen/geistlichen menschen/ Aber das fleisch burset vnd streubet sich noch inn diesem leben/in *Ecclesia militante* wieder den geist/ Rom. 7. Derwegen man sie freundlich vermanet zur Gottseligkeit/vnd erinnert sie der entpfangenen gnade/2. Cor. 6. In jenem leben/in *Ecclesia triumphante*, werden die aufferwelten gar volkomen vnd Engelreine sein/vnd keiner vermanung bedürffen/ Aber hie auff erden (wie vnser lieber Vater Lutherus sagte) müssen nicht alleine Osterprediger/sondern auch Pfingstprediger sein. Ihr wisset wie der Herr Christus selbst/ Johannes vnd Paulus/die newgebornen Christen vnd gnadenkinder so herzlich zur liebe vnd guter Ritterschafft vermanet vnd für schaden gewarnet haben/ So beschleust auch

F ij hier

Hier der Herr im Mattheo seine schöne Catechismus Predigt/ vnd Corpus Doctrinæ/ mit Veterlicher warnung vnd vermanung/ an die zuhörer/ das sie fleissig beten/ wacker sein/ sich für den falschen Lehrern wol fürssehen/ vnd durch die enge pforte gehen vnd ja fürsichtiglich wandeln wollen.

VIII.

Selig sind die vmb Gerechtigkeit willen verfolget werden/ Denn das Himmelreich ist jr.

Solches glauben Weltkinder nicht/ das Gott die liebe/ ehre/ vnd ehren werde/ die verachtet/ geschmehet/ verfolget/ veriaget/ bisweilen auch getödtet werden/ Aber der Herr Christus vnd sein getrewer diener S. Paulus lerens/ so bezeugens auch die Historien der Patriarchen vnd Propheten/ Denn das Euangelium ist ein Wort des heiligen Creuzes/ welche das leren oder hören vnd annehmen/ denen setzt der Satan vnd die Welt mit ernst zu/ sonderlich Predigern/ die Gottes mund sind/ vnd ihr Ampt in Gottes furcht redlich ausrichten/ nicht mit honig oder geschmirtem wein vmbgehen/

ES

Es heist/ *Audio, credo, loquor, crucior, oro, spero, exaudi-
dior, glorifico & laudo Dominum meum.* Item/ der
todt der Heiligen ist ein werder herrlicher todt für
Gott/etc. Dort solt ihr die ehrenkron vnd den rech-
ten danck bekummen vnd leuchten/etc.

Diss sollen sich alle ware Christen/ sonderlich
Prediger/ die in Gottes hause vnd werck/ getrew
vnd fleissig sind/ in dieser krummen vnd danckbaren
Welt trösten/ vnd nicht *Eceboliren, hincfen/* oder
Wetterhanen werden/etc. Wir sollen aber ja sehen/
das wir (wie im text stehet) vmb der warheit willen
leiden/ denn nicht das leiden/ sondern gute sachen/
Merterer machen / wie die alten recht geschrieben
haben/ Der Christen leiden soll ein heilig leiden
sein/ die Gottlosen haben auch viel plage vnd Creu-
ßes Psalm 32. wie die Baals Pfaffen/ Münche
vnd Wiederteuffer/ Item/ die troziglich in sünden
fortfaren vnd beharren/ wie Pharao/ Saul/ Hero-
des/ Julianus/etc. Aber diss sind alle des Teuffels
Merterer.

Der Teuffer/ Paulus/ Petrus / Stephanus/
Polycarpus/ Laurentius/ Johan Huss/ Leonhard
Keyser/etc sind rechte bekennner vnd Merterer Chri-
sti gewesen/ denn sie nicht als mörder/ Chebrecher/
Diebe oder meutmacher/ sondern vmb der warheit
S. in willen

willen sind geköpfft/ gecreuziget / gesteiniget vnd
verbrand worden/ Derwegen sie auch willig vnd
gedültig vnd frölich gelitten haben/ Aber Thomas
Münzer war ein auffrärer/ wigelte auff vnd ver-
hetzte die armen Batoren/ wieder ire Herrschafft
vnd Obrigkeit das sie *titulum de rerum diuisione* spie-
leten/ vnd drüber ober die köpffe geschlagen wurde/
darumb er auch sehr kleinmutig war / vnd gar
verzagen wolte/ vnd für angst etliche kannen was-
fer in sich goß / da er solte hingerichtet werden.
Ach ein gutes gewissen ist ein edler schatz in groß-
sem leiden/ wie auch die Heiden gesagt haben/ etc.

Diss sollen alle Christen/ fürnemlich die lehrer/
wol einnemen vnd betrachten/ inn Gottes fürcht
ires beruffs warten/ nicht allenthalben hand mit
im sode haben / sich in Weltliche hendel mengen
vnd flechten/ lermen blasen/ sondern das friedliche
Euangelium fridlich predigen/ wie Zacharias vnd
Simeon zu iren elenden zeiten gethan haben/ vnd
sollen die betrübtten/ geengstigeteten Christen mit
dem frölichen Jüngsten tage (der gewisslich nahe
ist) auffrichten vnd trösten/ etc.

Beschlus

Beschlus.

Diss geliebten im Herrn/ist gewesen der text/
von den lebendigen heiligen auff erden/ den waren
Christen/den rechten sprösserlingen vnd weinreben
Christi. Denn ob wol der glaube an Jesum Chri-
stum allein selig macht/ bleibt er doch nicht allein/
Galat. 5. vnd ob wir wol aus lauter gnaden/ liebe
vnd gunst/in Gottes haus vnd Weingarten berufe-
fen werden/ jedoch gehen darinnen Christen nicht
müßig/sondern arbeiten getrewlich nach Gottes
Wort vnd Gebott/beten vnd nemen der gnaden-
scheke/die sie in irdischen gefessen tragen/ vleissig
war/vben gute Kitterschafft/ vnd frewen/trösten
vnd rhümen sich/ doch allein der fürbitt vnd des
verdiensts ires Herrn vnd Heilands Jesu Christi/
vnd warten mit gutem gewissen auff ihr fröliches
sterbstündlein/vnd den lieben Jüngsten tag/etc.

Das wir nu vnter diesem heuff lein auch mögen
erfunden werden/wollen wir Gott vmb gnad an-
ruffen. Amen.

Luce vlt.

HERR/ bleib bey vns/denn es wil
abend werden.


Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



AB: 46416


(X 197 7441)



44

44





Sonn den lebendigen
Heiligen auff erden/
eine Predigt

Iohannis Gigantis
Northufani,

I. Thim. 4.

Die gottseligkeit hat verheissung/dieses
vnd des zukunfftigen lebens.

Francckfurt an der Oder/druckts
Johann: Eichorn.
1569.

